



BOSNIA AND HERZEGOVINA
MINISTRY OF FINANCE
AND TREASURY

Broj:02-50-3-411-1/12
Sarajevo, 12.01.2012. godine

PREDSJEDNIŠTVO BOSNE I HERCEGOVINE
n/r Željko KOMŠIĆ
predsjedavajući

URED PREDSEDVAJUĆEG VIJEĆA MINISTARA BOSNE I HERCEGOVINE
n/r Nikola Špirić
predsjedavajući

UPRAVA ZA INDIREKTNO OPOREZIVANJE BOSNE I HERCEGOVINE
n/r Miro Džakula
v.d. ravnatelja

CENTRALNA BANKA BOSNE I HERCEGOVINE
n/r Kemal Kozarić
guverner

**PREDMET:Obavijest o nepoštivanju zakonskih odredbi vezano za isplate s
Jedinstvenog računa Uprave za indirektno oporezivanje BiH i Centralne
banke BiH**

Poštovani,

Kao što je Ministarstvo finansija i trezora BiH navelo u jučerašnjoj **Obavijesti o trenutnoj situaciji u vezi s proračunom institucija BiH i servisiranjem duga BiH** (dostupnoj na zvaničnoj webstranici Ministarstva) trenutno (od 1.1.2012. godine do danas) ne postoje nikakvi zakonski osnovi da bilo koje tijelo ili pojedinac izdaje naloge, tumačenja ili instrukcije o isplati sredstava s Jedinstvenog računa Uprave za indirektno oporezivanje i za servisiranje vanjskog duga putem Centralne banke.

Naime, svi nalozi i instrukcije mogu se bazirati samo na usvojenom zakonu o budžetu institucija, a koji je osnov i za raspodjelu prihoda Uprave za indirektno oporezivanje BiH svim nivoima vlasti i za otplatu vanjskog duga (prema Zakonu o uplatama na Jedinstveni račun i raspodjeli prihoda).

Ustav Bosne i Hercegovine i Zakon o finansiranju institucija BiH propisuju način usvajanja budžeta institucija BiH.

Obzirom da Zakon o budžetu institucija BiH i međunarodnih obaveza BiH za 2011. godinu odobren od strane Parlamentarne skupštine BiH 30. i 31.12.2011. godine nije objavljen u Službenom glasniku BiH, trenutno ne postoje ustavni niti zakonski uslovi za finansiranje institucija BiH niti za servisiranje međunarodnih obaveza BiH.

U skladu sa svim navedenim, upozoravam Vas da su tumačenja, nalozi i instrukcije izdati od strane Predsjedništva BiH, Ureda predsjedavajućeg Vijeća ministara BiH, Uprave za indirektno oporezivanje BiH i Centralne banke u vezi isplate sredstava Uprave za indirektno oporezivanje i/ili transfera otplate vanjskog duga u periodu od 1.1.2012. godine do danas nezakoniti.

Ukoliko se nastavi implementacija tumačenja, naloga i instrukcija, obavještavam Vas da ću biti primoran obavijestiti nadležne institucije, odnosno Tužiteljstvo BiH, u cilju poduzimanja daljnjih aktivnosti.

S poštovanjem,

**ZAMJENIK MINISTRA
FINANSIJA I TREZORA BiH**

Fuad Kasumović